



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-594-11/24
Srebrenica, 31.07.2024. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj 39/14 i 59/22), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine i broj: 01-02-3-170/23 od 23.01.2023. godine, i preporuke Komisije za nabavke konstatovane u Zapisniku o pregledu i ocjeni ponuda u postupku konkurentskog zahtjeva za dostavljanje ponuda, broj: 05-16-3-594-9/24 od 29.07.2024. godine, direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine (u daljem tekstu: Služba Memorijalnog centra), d o n o s i

O D L U K U
o izboru najpovoljnijeg ponuđača

Član 1.

Ugovor za nabavku roba: "**Nabavka goriva za službena vozila i mašine za održavanje**" u vrijednosti od **32.526,00 KM** (slovima: tridesetdvijehiljadepetstotinadvadesetšest i 00/100 konvertibilnih maraka) sa uračunatim PDV-om dodjeljuje se ponuđaču **HIFA-PETROL d.o.o. Sarajevo**, Hotonj bb, 71320 Vogošća, koji je dostavio prihvatljivu ponudu sa najnižom cijenom.

Član 2.

Izabrani ponuđač iz člana 1. ove Odluke se obavezuje da najkasnije u roku od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datim izjavama iz člana 45. stav (1) tačka a), b) c) i d).

Član 3.

U skladu sa članom 70. stav (6) i 71. Zakona o javnim nabavkama, ova će se Odluka objaviti na službenoj internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 05-16-3-594-9/24 od 29.07.2024. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 88. Zakona o javnim nabavkama, pokrenuo postupak konkurentskog zahtjeva za dostavljanje ponuda za javnu nabavku, broj: 05-16-3-594/24 od 04.07.2024. godine, za nabavku roba: „Nabavka goriva za službena vozila i mašine za održavanje“. Procijenjena vrijednost javne nabavke bez PDV-a iznosila je 49.900,00 KM.

Obavještenje o nabavci broj: 1348-7-1-36-3-25/24 od 15.07.2024. godine na Portalu javnih nabavki i u „Službenom glasniku BiH“, broj 49/24 od 19.07.2024. godine.

Komisija za javne nabavke imenovana je Rješenjem, broj: 01-16-3-197/24 od 27.01.2024. godine.

Iz Izvještaja o preuzimanju tenderske dokumentacije preuzetog sa Portala javnih nabavki broj: 1348-7-1-36/24 od 26.07.2024. godine, utvrđeno je da je tendersku dokumentaciju preuzelo ukupno 7 ponuđača, odnosno izmjenjenu tendersku dokumentaciju od 19.07.2024. godine su preuzela 4 ponuđača.

Dana 16. i 17.07.2024. godine, Ugovorni organ je putem Portala javnih nabavku zaprimio pitanja ponuđača koji je preuzeo tendersku dokumentaciju u vezi sa tačkom 15.3.2. pod e) tenderske dokumentacije te je, nakon što je utvrdio da obaveza dostavljanja propisanog dokaza od strane svih ponuđača predstavlja ograničavajući efekat na konkurenciju, donio Odluku o izmjeni tenderske dokumentacije, broj: 05-16-3-594-7/24 od 17.07.2024. godine i istu dostavio svim ponuđačima koji su preuzeli tendersku dokumentaciju. Zatim je ugovorni organ putem Portala javnih nabavki zaprimio pitanje u vezi sa tačkom 6. Obrasca za cijenu ponude koja se odnosi na cijenu naftnih deriva na dan objave obavještenja o nabavci umjesto na dan predaje ponude te je donio drugu Odluku o izmjeni tenderske dokumentacije, broj: 05-16-3-594-8/24 od 19.07.2024. godine i istu dostavio svim ponuđačima koji su preuzeli tendersku dokumentaciju. Dana 23.07.2024. godine, Ugovorni organ je ponovo zaprimio pitanje koji se odnosi na oznaku goriva EURO DIZEL 6 sa zahtjevom da se oznaka briše radi usklađivanja sa važećim standardom EURO DIZEL BAS EN 590, a u skladu sa Odlukom o kvalitetu tečnih naftnih goriva („Službeni glasnik BiH“ broj 10/24 od 09.02.2024. godine koja ne poznaje standard EUODIZEL 6. U odgovoru na pitanje, putem Portala javnih nabavki, koje je vidljivo svim ponuđačima koji su preuzeli tendersku dokumentaciju, Ugovorni organ je prihvatio zahtjev ponuđača bez dodatne izmjene tenderske dokumentacije. S obzirom da se radilo o izmjenama tenderske dokumentacije koje ne zahtijevaju dodatno vrijeme za izmjenu ili prilagođavanje ponuda ponuđača, Ugovorni organ nije imao potrebe za produženjem roka za podnošenje ponuda.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 26.07.2024. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponude blagovremeno dostavila 2 (dva) ponuđača sa ponuđenim cijenama kako slijedi:

1. HIFA-PETROL d.o.o. Sarajevo u iznosu od 49.433,28 KM bez popusta i bez PDV-a.
2. “Nestro Petrol” a.d. Banja Luka u iznosu od 49.828,10 KM sa popustom bez PDV-a.

Na javnom otvaranju ponuda prisutan predstavnik ponuđača “Nestro Petrol” a.d. Banja Luka, Milan Kovačević.

Dana 26.07.2024. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 52. Zakona i da li su ponuđači dostavili tehnički zadovoljavajuće ponude u skladu sa zahtjevima iz tenderske

dokumentacije te da li ponuđena roba odgovara predmetu nabavke i tehničkim specifikacijama.

Nakon pregleda i ocjene obje ponude, Komisija je konstatovala sljedeće:

Uvidom u ponude oba ponuđača, Komisija je konstatovala da su ponuđači dostavili tehnički zadovoljavajuće ponude i time ispunili sve uslove propisane članom 45. do 52. Zakona, kao i minimalne uslove za kvalifikaciju propisane tenderskom dokumentacijom.

S obzirom da je na adresu ugovornog organa pristigao dovoljan broj prihvatljivih ponuda, prema uslovima iz tenderske dokumentacije, Komisija je u skladu sa odredbama Pravilnika o uslovima i načinu korištenja e-aukcije ("Sl. glasnik BiH" broj 80/23), dana 29.07.2024. godine u 10:00 sati zakazala e-aukciju, prema kriteriju najniža cijena ponude.

Nakon održane e-aukcije, koja je trajala 34 minute, najbolje rangirana ponuda, prema kriteriju za izbor ponude za nabavku roba: „Nabavka goriva za službena vozila i mašine za održavanje“ je ponuda ponuđača HIFA-PETROL d.o.o. Sarajevo u iznosu od 27.800,00 KM bez PDV-a.

Komisija je predložila ugovornom organu da se ugovor za nabavku roba: „Nabavka goriva za službena vozila i mašine za održavanje“ u vrijednosti od 27.800 KM (slovima: dvadesetsedamhiljadaosamstotina i 00/100 konvertibilnih maraka) bez PDV-a, odnosno 32.526,00 KM (slovima: tridesetdvijehiljadepetstotinadvadesetšest i 00/100 konvertibilnih maraka) sa uračunatim PDV-om dodjeli ponuđaču HIFA-PETROL d.o.o. Sarajevo, Hotonj bb, 71320 Vogošća, koji je dostavio prihvatljivu ponudu sa najnižom cijenom.

Komisija je sačinila Zapisnik o pregledu i ocjeni ponuda, broj: 05-16-3-594-10/24 od 29.07.2024. godine, koji je sastavni dio ove odluke i kao takav se dostavlja svim učesnicima u postupku javne nabavke.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol Ugovornog organa ili preporučenom poštom, u roku od 5 (pet) dana od dana prijema ove odluke

Dostavljeno:

1. HIFA-PETROL d.o.o. Sarajevo;
2. "Nestro Petrol" a.d. Banja Luka;
3. U predmet;
4. A/a.

Prilog:

- Zapisnik o pregledu i ocjeni ponuda, broj: 05-16-3-594-10/24 od 29.07.2024. godine

Direktor Službe Memorijalnog centra
Dr. Emir Suljagić

